



高

陶

堂

詩五卷文一卷恤誦一卷碑一  
卷

平湖朱氏揮於經  
注經齋壬午九月  
五竣踈安楊峴題

陶堂志微錄序

湖濱二酉堂

詩有窮有達而工拙高下不與焉夷夏閭閻溫熙廣曾詩之達者也嘔鬱沈寔窮曲峭澁詩之窮者也境之于詩相爲感應而窮者尤驗境之窮爲感則詩應焉詩之窮爲感則境亦應焉幾者動之微吉凶之先見詩之爲幾則大矣作者殆有不自知者乎吾友高伯足未冠卽以詩名其才之雄稟氣之剛厚辭之美富足以爲詩之達者顧嘗怪近世作家或喜沿儻淺之習刻意懲矯韜才斂氣闕邊光采託興深遠必具內心猶懼其易也旣鑱旣琢揉而磋之必泯刃迹一字未愜或至十易及其辭與意適天然奧美鎔鍊之極造于幽微其工力之深重並世詩人殆未能或之先也吾嘗評

陶堂志微錄序

其詩能齟咀古作者之菁腴而不模肖其貌戛然自闢町畦不情于古然亦病其收攝艱苦之意多寬博驩愉之趣少慮其境或象之嘗以規伯足且語諸同人嗚呼孰知不幸吾言而中也伯足深于此道豈不自知其詩之窮耶東坡嘗言昌其身不若昌其詩文人意好所專雖萬鍾前誘刀鋸後毆有不爲之奪者當伯足縱心冥索得意孤笑之時使告以反是道則得富貴必掉頭不屑也然則明知其窮而甘之者非命也歟伯足謬推余能知詩有作必質于余摘抉甚苛靡弗更也存稿皆余所刪定伯足旣歿其弟仲陶復屬余爲序余不忍辭嗟乎伯足負幹濟之才仕不得志年未五十鬱鬱以歿而僅以其詩傳余不意其窮乃至于此可悲也已

光緒八年秋九月中江李鴻裔序

陶堂志微錄序

二

序

夫赤鯨跋河中顧同隊翠羽辭越尙戀分鵝而況石交託堅肺附  
論昵西邸繅唱羣星若珠南浦傷離悴鬢已縞睇遠則蒼波大去  
折訊而芳艸不歸蘭生當戶之子云憂鬱舞萬刃人間何世舩懼  
易墜優悒難勝高子碧瀟者今之振奇人也瑩鑿月舉才鋒雷逸  
落落泉巖之姿軒軒氛壑之表練心冥緝甚痠蛩語煙矯筆橫厲  
幾神鷹絕滌麗旨諧婉矚兮秋空之雲覺情沉朗顛然荒古之雪  
蓋其鶯秦侶穢嫁衛滋窮閔府惻愴于江關步兵沈吟于廣武蒼  
蒼者天香捐鯉之騰化浩浩者水等飯牛之綴音蕤竇躍不能韻  
鍾石之蘇嫋婦泣不能修贖鬻之媚就陰蒼宋挂景延悲湘纍之

序

一

騷龍門之史斯錄晚興其規鏡乎念魯金臺授粲海澱題襟放直  
而密令招桑騶而申款曲藹辭發則義織卻舍据談色飛則風  
雨摠至擊歌彈詭隱柱之僮笑跣趨揖讓停門之客驚駭市徒斲  
其半千壁城葺連其三五回谿雖跼沃洲可營已而心跡分張朔  
南茆隔來雲往鴈勞凝思于逝川落葉微風度空華于轉燭追維  
聚散洞激幽遐簋履方逖孤坐不然之賓林竹告墮閣墮無妄之  
冊蘭陵老以貞誓雪苑送其危脆唬魄俱成此醜欲生拾池底之  
劫灰弔鐘畔之殘寢同我此越使君不凡嗟乎涂投夜光理遭案  
劔幃充甕壤分割都荔瓌文淪抑志士齋惋余乃煨師休對息見  
聞之機租吏迴車辟毀譽之路春蓋行洛秋衾臥漳告粟其空門

落不損畏壘鞅掌之使故逃仁智柴撫琴之歎漫役心形洒氣  
物母鈎聲律祖自熙新得妙窺解縣誦清篇之穆如審大年之無  
競健內順外乾道還秦曰居月諸子懷曷瘳然則洵幻前塵齒澗  
浮寄以君激觀夫將肅然任之中江使君腹空上池心轉大壑蕩  
摩鏡垢發露瓊智遂使木海之翠練火烈而凝固饌社之珠游晦  
霸而孤耀鑿裁入神近古誰對陳思敬禮彌挹滾愉光緒四年春  
三月吳縣潘祖蔭伯寅父序于京師滄喜齋

志微錄者陶堂高君所爲五七言詩也陶堂讀書高才不通狎流  
俗而默譎余余見陶堂爲詩先意經營徐其日而不赴一篇出則  
開宦淩突與古爲徒芒乎芴乎而莫知其稟也故曰志微也客評

序

二

余曰詩以悅性靈諧光景于物也明白而無羹羹微之取余曰  
客休且坐夫人面不同而況詩乎據一而槩萬無惑乎辰參之迂  
也夫有不得已者而聲于詩故俶倂其言繳繞其理以馨異其志  
言無坦厓連犴焉而不可止也在咸同世猶賊橫馳蹂十餘行省  
陶堂敝軀戎馬間布衣穿履挾策不遠讐取後成進士官于吳吳  
亂羣剽相迷以晏安目者曹曰者瘡方其時不敵利害奮前論議  
則不介而當矢石之蹊狂乎哉不得已而聲于詩開宦淩突而莫  
知其稟也故曰志微也慙而不遁肆而不槲駢引而不轂千萬倫  
而無數者也咎者輶軒采列國之詩放貞淫校得失諸侯之黜陟  
第爲甚盛典也王者之迹爐而詩亡非詩之亡不盈于道而滑于

俗悅性靈諸光景浮宕忘反眇當于懲勸聖人復起難而去之矣  
必若客旨名嫩于春華無益于夏風幾何不崇詩人笑邪夫感時  
觸哀連牀焉而不可止入于無端之紀出于積驗之表乃眞明白  
而無勢者也乃所以千萬倫而無數者也從心之所念從口之所  
言其來首首波譎而雲幻故曰志微也列御寇曰秦人逢氏有子  
聞歌以爲哭視白以爲黑饗香以爲朽嘗甘以爲苦天地四方水  
火寒暑無不到鎔夫今世到鎔者奚但哀樂聲色臭味哉不盈于  
道而滑于俗皆逢氏子也竊思讀書高才者寡矣客邑邑未有對  
久之曰哈子之言微乎微者也何有乎陶堂之詩光緒四年戊寅  
五月歸安楊峴季述父序于庸庸齋

序

三

傳曰春女思秋士悲良以冰簟蕭慘不懽于匏竹風絃合沓無閒  
于球錦鸚鵡至而百卉淒蟋蟀陰而繁霜集凋鬢詎綠酸淚行枯  
稱心而言微旨攸在夫明星厯厯天方曙而未晨斗酒沈沈魂躔  
交而欲醉石如可語山定銜碑錦不爲帽衾祇攤鐵若高子者殆  
今秋士也邪觀其閒居守嘿軼俗寡諧目無淺營語均初獲家則  
風承儒素載髡鬣之華時則兵燹妖氛趣墨纒之別陳雲如火親  
喋血于嗁蝮竈突不黔弔無衣于窮鳥雖柴桑里近良辰之往不  
孤而秋水興遙自憐之賦重續憂來成瘕嗒爾遺形授簡授豪排  
寒送暑噬夫綺紵落月悽情妙子之呼南浦綠波遙遶阿連之寢  
懷人渺于喬嶽病骨蘇自中年大江咽鳴小雅怨誹纏緜陴惻侷

視萬春官邃簡夷潛行九曲嘘神宮溟飄飄鸞鶴之游履徑崆紆  
落落會朝之迹凝塵生席荒艸旅庭藉之其按閱茲獨喻擊其馨  
逸當吾世而友靈均爲是棲遲類大隱之容臣朔曹好曹惡惜輟  
軫于滄流匪今斯今笑餘癘于歧路泥濁如蛻筌蹶一編將爲名  
山之臧抑待國門之索蘇風聿暢夏雲多奇塞杜芳洲初蘭空谷  
寤寐所接髣髴其人儻綴瑤華更篆靈石附言一叟用論同心江  
山劉履芬彥清撰于漚窻軒時光緒四年夏六月初吉其役書局  
又五歲矣

志微錄者吾友東蠡高子名其所爲詩也錄史體也其志微何春  
秋之義定哀之間多微辭東蠡知夫言之不可箸也故曰志微錄

序  
四

也其爲詩大抵本風雅之比興就晉宋之聲度其思淡其指遠驟  
而陳之齋冥靡涯緒而繹之則古今得失之迹理亂之林參之見  
間味其憂閔已爲陶也人爲非陶也吾歎焉況之雖然東蠡氣雄  
萬夫桀然有澄清天下之志何規規以詩爲君子之所圖當世之  
所急而堪託諸空言邪東蠡以家難起兵討賊既舉進士不預爲  
史官文采遂晦久之攝令吳縣子燮燮獨而強禦者敦其教縣上  
議諸臺篋書或夙滿焉道又日睽獨潘侍郎誦言賢東蠡惜其遽  
去吾嘗上下古詩人之流若元次山兼資文武而扼于形勢爲將  
不得專其兵爲刺史不得成其政退老漢溪故其詩往往恢愜不  
可揆測或曰次山以涪溪摩厓窮壘乎彼造物者又將以窮次山

者竄吾東蠡邪豈降才無全力豐于彼者必奇于此邪抑平世短  
而亂世長邪將無際無分自會自運邪果運會無常則東蠡齒未  
艾也安知不卒受次山之任行次山之志紀伐景鍾歌功太常後  
世有鑑交游有觀邪不然東蠡之志故皎然可知惡木蕃其圃昔  
邪游其堂崎蝥罔其脯吾與廣廷漚寤二三子晨夕過乎其間商  
摧六莸尚論黃虞薄甯生之扣角貴桂下之知希則是錄雖爲東  
蠡之於習操梁甫吟亦可也要知東蠡必不唯身之戚戚余雅不  
習詩何以明東蠡詩學交深又不欲已姑雜舉其似云山陰傅懷  
祖灌園之暇書于池上芭舫光緒戊寅之六月也

述目

帝命夔詩言志何也曰心所之持以言直溫寬臬其正也不學博  
依不能安詩有盡變者也詩六義風比興尤善者言起乎此志應  
乎彼或遠或近其然豈其然以神遇不以形遇也其人微則其言  
微矣其言微則其道微矣攷索而精之憂柔而順之夫且不出其  
宗學者之職也哀窮究思賢才莫先乎風原本山川極命艸木莫  
先乎比興以意逆志志雖微將明焉其尤微者雖不明乎何害焉  
春秋三百之指也春秋之法微而顯志而晦屬辭比事其指數千  
淡文隱蔚門人小子或目擊而口不能傳一若詩人風比興之爲  
也然則詩至學者不能明固作者之志歟曰歟難言也詩內和性

述目

一

情外沅風化方將以其仁誼豈弟之德流示區中俾邕然出入于  
雅頌何爲是諧隱天下也而有不得言者焉有不察其言者焉其  
人乃皆工爲言者也淡思遠憂不可弭于句不可旌于口藪而寄  
諸或遠或近其然豈其然之辭以謂神而明之存乎其人我不與  
知也若其憂思豈有隳涯乎繼世作者各于其黨或變則艷或變  
則野或變則蕩或變則詭和平之感薄而怙懣之音生屈宋司馬  
曹劉阮陶之徒殉皇乎其閒尸居而龍見雷聲而淵默莫測其端  
者大氏變而正者也然則詩如此可以爲難矣昔者夫子洵微言  
絕今子顧微其指于春秋而蹈揚雄擬經之譏不已固歟曰不敢  
鑿鑿是何言春秋內修外攘奉先王之法以大性情之閑絕軒亂

視聽之物而導之嚴事其親長夫子志之門人小子志之列國之  
得失人道之流極夫子不忍盡言者孰敢斥言之揚善而遏惡諷  
一而勸百風人先得春秋之志也而風比興夙微焉凡今有事乎  
此者謂夫春秋經世之遺也蒙奚不得誦法夫子乎哉故詩春秋  
俱亡獨其義蘊乎天人達乎自然幽離萬類而無刑細舉斯道而  
無名盛德之士時一覲茲蓋致精大順之候也風澤之芳也前修  
之所貴也誠不可階神企而已心夔弱而好詩尤好淵明游焉而  
上游焉而下不恥其不似也志既多困其言日微好我者徃徃病  
我顧謂斯不可奈何于心者何也聖者知不可奈何于心而善教  
若是其淡吾猶登高山望巨海焉茫茫乎天人自然之會歸乎有

述目

二

遇乎無遇也抑亦不能自明也是心夔之爲詩也詩凡四卷命之  
曰陶堂志微錄

卷之一起咸豐二年壬子訖八年戊午存八十二首 感詩二首

代人詠月 寄懷范七元亨 嵩壽山 惆悵辭 獸立詩七

首 九江哀 朝攀山上柏二首 武山夜別 蘇官渡 怨歌

十八首 臨川別 耿敦諭光宣戰沒撫州 領軍林同知源恩

又亡 奉贈鄧八許六兩兄三首 東湖月傷亡友范七 魚鷹

歎 南浦舟夕 廣豐縣訪范君殯舍 望鵝湖山 孤山 冷

泉亭 登吳山 鄱陽翁 哀馬同鄧八兄 畫棟 二烈士歌

南昌雜詩十首 聞收湖口寄軍中所知 移家五首 苦雨

三首 將之建昌縣二首 三月三日同王明府必達汎舟脩上  
禊飲作歌 得仲弟書還朱嶺二首 驃騎行贈王建昌 楚軍  
收九江當大舉東下喜甚有作 聞撫州賊遁 建昌縣城南樓

觀水漲

卷之二起八年戊午訖十年庚申存七十九首 咸豐八年八月

沙河放舟出郡南郭遂還湖口四首 經蘇官渡故壘 寄酬湘

潭王一開運 客子吟九首 示仲弟三首 北上 白澣塘再

別仲弟 舟行石鍾山下 經郡西南望廬山 黃石港募思

田家鎮覽會侍郎戰處 旅泊漢口望武昌 渡天門決湖 進

安陸府南河灘傷挽船者 峴首山下作 樊城登陸蚤發 歲

述目

三

除次葉縣二首 過大梁 淇上有悟 經鄴宮地 邯鄲旅夜

示客 保定道上猶見趙郡羣山不絕 金龍春望 同人于昆

明湖上作 答別龍明府汝霖 尙友三首 聲諫二首 送王

舉人開運客山東帥府三首 贈獨山募友芝 贈永昌二劉

生歌 春日游京西山寺四首 短歌贈別郭編修嵩燾歸湘陰

五首 端午述懷四首 傷懷寄弟六首 陶然亭集詩 夏夜

過潘大理祖蔭澄懷園卻贈二首 園夜有懷城南知己二首

別京師諸友六首

卷之三起十年庚申訖同治六年丁丑存六十二首 漢家四首

孤雁行 竈狸行 贈水軍彭帥 下石潭 陳舉人大力應

募赴浙遭之南昌有贈 贈彭四廣鏞 廣信道中 河口雨泊

寄弟二首 登吳城望湖亭 東流贈募安因酬枉寄壁山之作

三首 蚤行 團魚壑田居三首 匡廬山詩七首 大雪歌

守城 哭范吉安 中興篇 寄懷故人伊犁軍城 題夏明府

燮中西紀事 綵鳳隨雅曲 畫牛十首 廣州送郭三崙燾還

湘陰呈令兄中丞于是予亦將之楚游 峽山寺寄郭中丞 韓

瀧 良田道中 雪後望衡山不見 同治五年元日登長沙天

心閣 秋夜岳陽樓答懷仲弟三首 別君山歌 慟女奴截句

七首

卷之四起七年戊辰訖光緒三年丁丑存百二十一首 出門吟

述目

四

石鍾山懷彭侍郎 焦山 三月四日登虎邱同募徵君 復

贈募安 北行經泰安作 中原定上使相李公 城西四首

題翰林許六兄林館五首 九月得李按察蘇州枉詩兼巴陵吳

安問至次韻并答 十月二十二日許編修宅集留別主人暨黃

御史兵部昆季李中允陳敖劉曹四刑部期謝編修未至簡之八

首 贈彭三舍人鑾爲別 寄同年龔濟南 曉霜八韻 經邵

伯鎮作 渡江 石壁觀太湖 漫興 辛未九月九日觀稼木

瀆憩金武陟丈 原清 園後樓望舍弟從劉君 履芬 登靈巖造夕同飲迴

舟作 橫金行 題吳縣廳壁四首 躡躡游宦子示仲弟 妙

相庵坐雨同張徵君裕劄知州庶昌 觀生二十首 李五兄

治瞿氏綱師園爲宅號蘇東鄰謂子美滄浪亭也落以長句 懷  
人截句五十八首 日本儒官竹添光鴻懷詩見訪和其棧雲峽  
兩卷中天主堂之詠卻贈 形影篇 題蘇文忠瓊州洞酌亭象  
右志微錄四卷高子之編是詩也別其偁曰陶堂好淵明也志微  
之義述目備矣詩斷自咸豐壬子迄于今茲積恆星之歲感遇身  
世正變因之其動于不自己而發爲性情之華侈矣茂矣中江使  
君爲宥慎而存之凡三百四十四篇多于淵明者五之三衷于是  
而結其粹盛哉使君之賜將使天地閒長有茲錄而爲高子取必  
焉也述目有言於詩好淵明游焉而上游焉而下不恥其不似也  
夫淵明窈人也而富于道義其資乎外以有生者婆娑籬落冷澹

述目

五

無色人世皆以不堪乃其中之維係乎倫類宛結乎忠愛盎然充  
滿往往琴書風雨飢飽不時命筆一篇喟焉流露彼巖居枯槁逃  
世而冥情者其可以淵明託哉高子家湖壤南望桌里東皋百里  
閒目而畜德厲操芳澤氣臭方且與鄉先生千載一室卽有詩無  
詩無慮也奚伯之云乎不已而姑以詩言茲錄于淵明有伯有不  
伯伯焉者微以褻其傾心古人不伯益以矜惜也風之風雅之正  
頌之容騷之幽而芳漢魏雖變而氣質晉以降變窮而氣漓作者  
殊列同者無幾都不繆于言志之教而已矣高子之志微矣吾惡  
乎測之其于君親友朋夫婦弟妹燕言擊鬪愁苦歡愉切切焉頰  
頰焉無一息之或契于懷抱也一官吳下發莠舉隊席不暝而突

不黔憶夫鄉關返息戎馬蹶張挾筴壯游歌評燕市三十年來時事之日出賢偶之升沈生人之休戚欲惡得焉莫之爲而喜矣焉莫之爲而憂其憂也家父凡伯之旨其喜也吉甫奚斯之風矣而曰游焉而上游焉而下不恥其不侶也所爲自視歛然者非邪吾嘗卽作詩于高子高子曰自尋蹊徑意蓋以獨造爲宗主以取別于世之英媚纖膩無所得于已而恆恐不見好于人者是亦不已而姑以詩言也吾亦樂夫高子之賜也于是乎書光緒五年己卯仲春之月遂昌徐景福丹泉父題

陶堂志微錄卷之一

一起壬子  
訖戊午

湖口高心夔自編

中江李鴻裔刪定

天  
民  
國  
藏

感詩一首

穠華相易衰象服美何施承恩始過望速朽良爾宜婉變長門夕  
甯異金屋時脫簪未一請百慕無因知天容隔喜慍鄙賤坐菲暎  
令損臨觴歡詎弭捐扇悲

流蘇定復颺蘭堂汎餘清樺燭不言曙春候在弔箏密響移疏節  
中似離鵠聲君心有雅鄭相感未分明白難貸老葳蕤解故榮  
晨風號北林棄妾傷其情

陶堂志微錄卷一

代人詠月

斗帳生懸珠朦朧四邊霧員態綺中盈方暉屏際度舒蓮濬片紅  
東壁藉雙素星語欲沈天鷲迴不驚樹花扶玉函笑蝶抱瓊枝妬  
已玩江雨清翻求巫峰去

寄懷范七元亨

東風昨來急吹寢江之溥三笑谿頭過一團山雪淡雞鳴石門底  
月下香鑪陰何處跨仙鹿肆君遺世心

嵩壽山

道光初知縣范君玉琳始建  
書院此山吾湖口慈父母也

賢侯卜精舍經歲履山椒曉幔匡君雪夕鍾揚子潮書聲出城郭  
官味入漁樵石室餘馨在無人羞澗毛

惆悵辭

蘭若叢廣谷樹我階下時濯杙更著土蔭以軒車帷云飛幽獨性  
何必運黃葵操瓶作雨露強秀無餘姿盡心燥溼聞尚與天闕期  
玉池奪肥澤秋蓬秀見欺遂生在得所揚芬媚阿誰蠹靡先自瘳  
忽漫榮枯之彼穠絳雪華不上清霜枝柔芳那吹老爲君明諫規  
獨立謠七首

號寒驕鳳鷹化鳩威夷戴角行搖頭天生雄材莫浹倚屈刀引鏡  
弦者鈎橫江走馬朱廡桁氣溢烏衣少年上丁甯出門戎浪游親  
命如何委艸莽東風攪樹花蹂泥餘香銜著巢燕子知不知

神井下杙海言自堯時鑿天風汲鳴濤千綆無一勺匱水山谿開

陶堂志微錄卷一

二

浴盥釀黍實有蓮激石如石流如弦驪山中聽潺湲非水喻水  
之非水得之水僂琴上泉眇言無質驚俗耳不及方諸響明水  
逸雷甯可羈游雲甯可騎形究不相攝誕漫結新知卅家有足不  
任屢辟家有首暝晚柱二臣區區一玉故貴人驕吝多秦楚精明  
之氣入君心喜充陽庭會我願願我使我重猶與

翺風弟子三十身房老奴輩綠綫珠妓殿頭抵掌上蔡生笑  
螳虿紛紛爾蟬譟虎偃螭出誰當下相君何猜以梁讎柔顏良畫  
心畏夜顛倒機牙中前者拙後者工吉凶安在龜卜窮

鬼知一歲貉知一邱侏儒之節無翟郊積石下伏淇河流搗擊鍾  
次肥牛坐隅寡默士頗懷曰厝憂士何晞嫠與姬士何倉霍與葵

主人膚膺滿脂斗珠飾馬圍尻雕堂中安用此士爲

烏暗暗桂之林蛟螭匿舞瘴谿淡星晞晞潮之陽鱣魚反生豈不  
甚東船鳴篋西送仗人道市屠竈下養朝禡旂夕迎骨櫛歸今年  
有骨歸明年骨化黃沙飛邊毗望廉吏奉使令復誰

五旬癯飲酒三旬豆無肉食不飽筮已俗得飲不醉一何鹿鹿  
湖陂盛滂葵豐屋千耦春耕秋餒粥男兒可憐蝨天地百歲搏搏  
事此腹爾求一轂三十幅爾爲雙輪外八陌

### 九江哀

我軍三萬鄔穴西長垣夾江擁積鐵急艣蒙衝下督師關門一夕  
噓烏絕豸奴醉歌嚮溢岸數肩紅旗趨風雪狐裘項領軍中兒飽

### 陶堂志微錄卷一

三

會何心遠飛擊明日空江間哭聲拚棧東望淚如血

### 朝攀山上柏二首

朝攀山上柏  
莫望江上雪  
哀哉苦寒水  
深不可以轍  
下有吞舟巨  
耳錯列如戟  
澌流紛紛醢  
人骨令我肝  
腸斷絕

朝攀山上柏  
莫望山下雲  
眈眈之虎飢  
終日殺人取  
我弟毀我門  
毒禍日纏我  
身彷徨得誰  
我親安得從  
我父母黃泉  
溲我爲塵  
沙令我不知  
煩冤

### 武山夜別

楚軍屯尋陽  
我里寇正劇  
日入望北岸  
連燧照江赤  
欲從鸞鳥去  
悵無排風翼  
逝將謁大帥  
讐憤雪吾積  
家人怨孤往  
畏且陷險阨

未行已倉黃出門踐虎跡  
呀壑視無蹤曩曩鬼泣郊  
關過賊令老羸厥充役  
絕筋奮築下濡血成窟宅  
偷息亮幾時王師臨只尺  
忘生自歎地陸獄等煎迫  
幸復必須與天命有順逆  
哀哀武山別回首數踊擗

蘇官渡

痛哭古渡頭騎卒羅俛俛  
我有戴天恥橫墮鍾山虜  
嚴符四五下調我臨汝戍  
事違邱山移萬涕旗西舉  
雞鳴趨點行右手棒鞞鼓  
左手杖馬樞鬱鬱無敢怒  
軍動如游雲指顧迷昔堵  
幾日徵鄉練未得定我土  
承筐實膏益析粒輸庚金  
誰言菁莪竭中更褰裳去  
臺議急大藩焉令聞此苦  
捨我父兄讐還禦它人侮  
悲與六親訣

陶堂志微錄卷一

四

敝廬不我處流離相追攀  
氣結欲何語

怨歌十八首

壯士倉海客殺人如吹毛  
脫儂艾玉環繫著擊中刀  
上馬畏不强故作鷓鴣子  
舞飛蓬絡天絲纏絲柰何許  
儂居踞場時鈿釵映錦襖  
令被鐵兩當的的比前好  
青絲白鼻驕游戲都市閒  
卷裏吹橫箏聽者無好顏  
勦兒誓死邊出關算回頭  
莫楊縷縷折斷儂心上愁  
艸上驚風旋俯知馬蹏使  
隄下動微沙已登鹿頭塞  
朝投壘頭石砲殺雙野牛  
群狐號空隧弦絕徒爲憂  
橫行萬里外姓名惡人知  
但使儂意思顧盼空爾爲

大雪凍廣澤指直不能握寄言天山寒春艸那堪綠  
幽咽隴水吟斷腸獨爲爾水流不辟海猛虎當門死  
白日原上落北風嘯獨樹縹馬鞞兩鷹城南酒家去  
可憐烏白城日夕鳴笳聲殺賊不及千何貴門懸旌  
凋戈丈五尺角弓左右縣都護處青幄不如從事賢  
都護拊佩刀健兒齊上馬從事橫戈出健兒死城下  
寤寥夫容幃忽覺甲中卧都護抱文書達旦起悲吟  
筆築何惜烈趣儂生白髮不聞雙玉噉此夜芳菲月  
誰能歌不佞銜音盈儂口三年飯黃菹齒酸亮已久  
飄然曠野中雄跨惟一身黃鶴飛參天四顧無我親

陶堂志微錄卷一

五

臨川別

賤子提飢卒浚壁臨川頭昔來柳未萸木脫山變秋朝出河東攻  
葺血南陂流馬爲不解鞍創兒起操矛沈疾得放癘瓜期寒暑周  
迴面勞部曲列酒西風邱風勁吹野水離筓不整留空還豈本策  
崎嶇附好仇取旗志先登隱患生挾輞懦夫一勝智昏若黃金疆  
臨戎覘果毅公等謂我不我自憎蕩人令去隊浮鷗閉我湖上閣  
汗漫如江舟羈鳥筮池飛孤雲乍綢繆起爲勞者歌鳥驚飛雲道  
勉旃懷恩子立忠宜寡尤

耿教諭光宣戰歿撫州

風簷墮晨鳥鳴聲何啾啾倉黃問軍使故人死東州驚入迷悼痛

仰屋涕若旒事君見芑初出共恩讐誰令百騎戰偏折丈八矛  
捐軀子則已猛志令彪儔樂高眇四野天階眾星流將相日離次  
積骨下成邱趣爲國殤去貞憤淪九幽樓峯萬里雪凝痛無春秋  
領軍林同知源恩又亾

貫日雙虹萬丈起城南大將連驂歿幾日軍中喪建威全師趨漫

臨川水林公駿立纓纒胡抽箭夜指旄頭孤旄頭不落落威孤先

張後脫鬼一車綠林奴子取騎駘門捷築幟敢相襲都尉裏創數

突圍右軍都司唐德升援公歿下馬猶持使君泣使君何爲戀空壘忍甯棄骨

荒山隰鍾陵積雨連野黑倒望東天氣蕭械

奉贈鄧八輔許六振兩兄三首

陶堂志微錄卷一

六

肝膽飛揚日論交萬馬前空屯芍陂水長痛武谿天不歿孤憤

冥行負盛年古原秋艸盡青黑一燧煙

涉難成吾悵開懷賴爾親露棲淪素節雲萼合黃塵遠驛聞征雁

孤城哭故人無爲憂百歲往日已傷神

畫角暮山悲山山隱蔽虧戰聲秋共宋歸路謬俱危南顧煩清問

東征祕後期獨憐鄉父老仰泣待旌麾

東湖月傷亡友范七

曲碕縈淥波待絲綫雲素娟雲際月淺映湖上樹城西戍火微  
面水一螢度峭風吹蘿帶飛翻桂華露香定四無聲碧影潰煙去

欲尋徐孺亭悽斷迴燒處

魚鷹歎

澤人獵魚如獵山鷹魚淥湖谿開寒波拍拍一竿雪鋸刀金尺  
跳滿船有時呼羣截流入長魚脫水頰玉直日暮綱收腹不粒西  
風哀鳴兩榔集飄泊應餘江海心低徊不恥龍駭禁君不見邊場  
驕卒多敢侮將率橫操戈烏虜謂爾魚鷹何

南浦舟夕

微月生綠渚虛舟漾煙夕蘆風響獨雁官度層嵐碧宴游縱迷方  
楚調警悽魄隨陽彼有居離羣我安適始征結歸帶新涕緣故席  
資形不還駐往復惟潮汐疏林盪澗漪乾葉飛策策起坐迎荒寒  
露絲蒼空白

陶堂志微錄卷一

七

廣豐縣訪范君殯舍

天地咎大算賢者當奇屯甯知異鄉土不葬苒鄉身君抱一生悲  
故人復悲君骸骨誰自保兒女難爲親遺書溢篋衍草球茂陵貧  
下馬禮未絕過車痛已頻久客子念歸正邱古謂仁生存常墨墨  
只尺況幽門魂氣竟何之我謀君豈聞察柏有凋歲慟爾膏蘭人

案代府君諱作非  
好古字也後仿此

望鸞湖山

弭節信陽渚迴望鸞湖峯連延算靄色合沓重巖陰貌生綴賢緒  
孤策憬幽尋靜悅數峰秀竒與環谿淡古鱗聚寒藻新篔引之禽  
坐久歎而作石泉鏗壁琴憂氣暫我平情高縣道心履綦付薜蘿

危標聞天溽翹聖無髮鬚駛見流光沈匡山杳白鹿賁茲空谷音  
孤山

川居滌塵擾好雪復新曦艸苑秋綠雲漣無故姿步迎風際香  
遙辭臨波枝偶然似出世指就青霞棲鶴寢不到境薛蘿吟興微  
仙者遺此貺酒客何由知种生終南下心跡涇水泥拊髀牧豎笑  
是翁猶能基

冷泉亭

倦旅辟州郭所適盡安便晞髮石礪午白雲心餒然茶花粉我巾  
半蘸清冷淵陰壑上千磴疏雨生空煙樵擔鳥外歸樛子樹下餐  
鍾魚四山響不離翠微閒孤僧坐未去月高行飯暖

陶堂志微錄卷一

八

登吳山

孤雲觸壘壁翻來墮東荒倉海試臨眺勢壓萬丈強積水澹悠悠  
壘中斷無梁戶隄割要會龍蝦淵委臧日月蹋潮至涵育青冥光  
規險置雄都江漢久沸湯所備偶弗繕千里同一創禹杭鬱驚濤  
弱宋縣帝鄉在昔鋒鏑窟寒墟散牛羊湖風纏簫管舫船歌未央  
君知杞客憂幾倍錢江長清淺衣帶渡浙西近剝牀吳越相吞滅  
況鄰疆更狼狽人計堂與遠能制河湟安得恭儉臣內息百禍殃

鄱陽翁

今我刺舟康郎曲舟前老翁走且哭蒙袂赤跣劍小男問之與我  
涕相續饒州城南舊姓子出入輦人被華服豈知醉飽有時盡晚

遭亂離日枵腹往年縣官沈衍慶與李元仁倉卒教民執弓稍長男二

十視賊輕兩官俱歿亦足去年始見防東軍三月築城瘞耕牧

軍中夜暮晝又謹往往潛佔山邨宿後來將軍畢金科能奔虜卒

如豕鹿饒人亾歸再團練中男白哲時十六將軍馬號連鑊馳授

兒掬芻芻首藪此馬迎陣健如虎將軍雷吼馬電逐昨怒追風景

德鎮但勝千人去不復將軍無身有血倉馬後吾兒烏啄肉命當

戰歿那望生如此雄師惜摧衄不然拒壁城東頭粹手誰能拔五

嶽蜀黔騎士絕猛激守戍胡令簡書促郡人已無好肌膚募再相

驚墮谿谷此時老翁仰吞聲舌卷入喉腮血瞳衣敝踵穿不自救

願客且念懷中嬰烏虜誰知此翁痛羸老無力操州兵山雲莽莽

陶室志微錄卷一

九

燐四出湖上黑波明素旌大帥一肩繫百城一將柱折東南傾我  
入無家出憂國對翁兀兀傷難平筐飯勞翁勿涕零窮途吾屬皆  
偷生

哀馬同鄧八兄

龍驤壯兒肉生髀駿馬甘心懸頭歿首僵嚮天怒隄丹城中萬馬  
嘶聲寒罷軍雖貧忍爾營鄧侯黃驃先溝谷憶昨略陣臨川行撥  
叱風雲雙轡輕如今未老渾憔悴生駿不售歿士棄更無骨法鑄  
金門空歌蒲梢武皇世

書棧

飄泊仍高格蕭條把斲枝山圍薪嚮盡歲昇驛來遲醉癯無多地

唵竟共一絲蓬門江路縮歸權若爲移

二烈士歌

有序

二烈士歌者咸豐四年賊掠都昌劉崇昂聚徒距守十餘戰奸民漏賊入砮破灰鄱陽葉玉芝以兵捍其鄉三年矣後劉二年與賊持五晝夜郡援不赴自燔灰灰者數百人予所知鄰縣義灰二士尤烈哀而歌之也

觥觥劉生何雄哉壘山所賊奮如雷俱出土門志無回身命中絕白日靈冠虺穴牆室有豺鳴咆無聲去安歸多義亡溲事並違嗟我葉侯國之材守我阪橋金爲隄三歲綢繆多苦危胡爲聚族成土灰外援堂堂見嫌猜棄斥盟言不能諧龍欲升天螳爲螿螳前

陶室志微錄卷一

十

會龍我心憂

南昌雜詩十首

赫有驪山議傾朝責戰功翻飛節旄盡冷落歲符同汗馬存儒將攀龍滿寓公女牛氛又惡生理闕倉

方召勤王地衡湘結義臺怒盞吹海立高鷁駕天來指顧收吳命驟除壯楚才江關遲捷羽敕勒不勝哀

猛士來巴蜀謹聲應鼓鞞車終日去槍壘至今移苦雨秋沈電陰風夕卷旗一春臨汝獵憐爾辟前綏

紆謀晉陽役負譽華元歌豈不繭絲爰而云犀象多慨慷從版築哀謝對虞羅縱瀆村鳩怨長城柰爾何

山曉入城青送歸湖上亭蓮波蕩飛蓋蒼石齧重局極浦羣秋雁  
虛舟伴客星追歡友于在南館恣飄零

幽棲塵事簡景物淨相宜看婦烘棹裏呼僮浴研池水雲圍暝誦  
林火散晨炊信會滄浪趣持竿問釣師

北蘭城北利樓閣後唐年轡扇經行路鐘聲欲暮天碧落蒙瓊佛  
黃葉噤殘蟬不見荒榛下闌居萬井煙

訪道香城谷洪厓百丈湫梯檣墮鳥濃壑默沈牛吳猛旋沖舉  
文簫孰蹇修料量隱淪窟樂興挈家遊

坐汲盤潭瑩行謠曲嶼淡折花紉雜佩窺竹染壑簪野寺喧秋賽  
天魔映夕樹心旛搖颯宋風際一瓢吟

陶堂志微錄卷一

二

寄倉誰能競耽文亦未豪魚歌敲緱劍金縷戲銘刀樹僻餘臧銀  
泉窮杜運樅須令外憂喜遮算解天波

聞收湖口寄軍中所知

尋關負湖漢北江奔與東棧騰石鍾壁吞吐馮夷宮設險泰皇世  
鐵壘誰敢封黠虜能苟竊天慈豈終容經時駐偏師屢進疲鉤衝  
春霆鬱歎薄四海聲實同大楚士猛凌部婁無裔案甚憂崩角迎  
詎給壺漿供小縣况凋殘十邨八九空更番發間伍丁賦曾不充  
炊劔到歸農舉家習穀倉未辨饑與豐胡顏奮溝瘠再起操戮敵  
展墓歲久缺菽竹化寒燧白雲寫悲泣兵氣行倉卒急爲開淪城

下使淮海通勿惟一雋喜挽強志驕龍勳賚祝諸將冊彤彤矢弓  
移家五首

晨光集行色約裝發南州南州盛可樂倦客難與留五年別井里  
華屋爲荒邱六親各異鄉曠絕川塗修屢遷亮已瘁欲近嚙無由  
託命非我宗耽宴且未休環都百里道山燧暗相繆御寇行嫁衛  
莊身悲越游自迴濟世路甚遲從吾謀

枯查界天風浩蕩無程期修行兵馬交何土不化離出舟復入舟  
猴糧空所齋驕弟枕圖策暗誦忘朝飢雖適莽倉外遠流成鼓悲  
崢嶸波鄉募僮勉聊因依雨雪橫徑遂望望洲輿迷

李冬湖水縮牽舟逆高灘篙師憚流潦痠瘦青泥閒織織連雲竿

陶堂志微錄卷一

嫋嫋割風舫十步九鑿變怒渦觸潏潏山兩借尺漲浴冕曉來喧  
蹶紆中露急因得窮清源濯足張家窪行跼身石門吾道慶利涉  
愁濫非人慳

逶迤匡廬西朱嶺縣且峻其下走萬壑石流蹙寒刃虛巖聚茅茨  
煙碧蔚千仞捷辭左蠡險仰赴雲仙觀空花飛冥冥夾水溼人鬢  
飲犢兒何言速我輕榜進幽玩紛來覘占樾發佳瞬間舍一牛鳴  
鈎月斜可趁

野性愛田父稅居僻西嶂蔡茶山若人情數稠疊展知我遠行飢  
要我飯藜芡想我啣榭下谿岡遞淡揜豈無樸悶風見慰奔寓險  
外嶺夕號眺糧籍數搜點自意竄穹谷那復憂征斂傳指計承平

勞生殊在再

苦雨三首

青天十日遮雨脚綠盡茅壁山齋東門前泥盤癢朝履屋後瀑雷  
沈夕春忽如兵車轉空谷還雜啾啾疑野哭不聞塞頭頭白翁衡  
門夜倚歌獨漉

天下甲兵未罷門澗山環堵甘畏人南原麥苗始扶寸菜臺爛灰  
嗷紛紛餓殍下簷啄浴倉枵腹誰能美供億楚中斗米稱百錢安  
得將家就棲息

今年賊來搜穀米去年蝗來盡禾稼索租不得勞吏曠里正哀呼  
折筭下山中野客潛酸辛道傍捐瘠處處聞年年大雪殺蝗子年

陶堂志微錄卷一

三

年穀多飽我軍

將之建昌縣二首

蒼疴白雲下安卧足幾時谷口青雇語蹶予赴佳期農父惜春牛  
晨出樓東薑蕩子步廣陌居人揜空閨冥心學流水屈折溝與谿  
鄭緩有墨第於陵有織妻飢寒不相守餽餽意何爲

中歲頗依人園居昧真趣及茲諳畏塗咨且不忍去厥情惡算諧  
相適甯非遇犢車知我門鑿仄亦何遠王生雲居下一榻新成故  
楛棘各有棲鸞梟豈爭驚流亡布近郊眼暗驚塵草木鬱倉倉  
煙光卷歸路

三月三日同王明府必達汎舟脩上禊飲作歌

玉君逸步蘭亭後敘禊盟詩好身手城隅鼓吹解延賓川上鷺兒  
呼勸酒十丈開帆槩錦漲數轉看山抹新柳鄂君青翰何許逢洛  
下羽觴矜在口安知俯仰輩今昔未遺蹤跼終白髮取醉仍拚百  
花盡思歸香對孤峰久雲旗夏摩西日傾迴舫飄香洪濤聲湖龍  
閃曆降復升驅江入海奔雄鯨氣陵煙霄樂未極蕭瑟風湍委餐  
倉年年艸作征袍色倚權合悽望京國  
得仲弟書還朱嶺二首

歸牖數無情書來作計成乳雅催曉驛纖月落春城度坂新添埃  
尋山舊辟程風煙愁底事祇覺一身輕

野鹿貪閒適沙鷗狎往來乍聞谿水壯兼汎酒船迴穀雨連旬約

陶堂志微錄卷一

四

梨花幾響開社翁憐美滿須爾縱千盃

驃騎行贈王建昌

城南倉倉江涌日煙蕪一點飛黃出西來氣與月窟高欲搶臨湘  
八千匹昂臧甫絡金縵胡沫赭得非泐澤駒盤筋當臆走四腕懸  
瞳夾鏡寒星珠縈梢磊犖騰青渠猛士執靶怒有餘塞門橫空見  
獵火斗起噓鬪思先驅待御柔心還自惜看人錯算傷精魄天下  
羣腳嘶朔風萬里淨雲蔽何益拔地迴山歌對君歌聲決蕩排霜  
戟

楚軍收九江當大舉東下喜甚有作

滄浦晝昏冥飢寇終夜哭石頭氣且盡爾命安得贖五年并底畫

今日機上鹿尋關荆揚鑄堅瑕計之熟歲蕤赤霄仗排蕩下湘嶽  
初洩千仞谿幾折萬里軸宅穴火焔焔虎子血漉漉壯哉咽喉郡  
守勝得反復樓船發交廣橫海馳扈濱北馬飲瓜步南臺控浮玉  
百戰大合圍孤城斂餘毒鍾阜驚秋風天門望帆腹西微流柿滿  
東策沈鎖逸吳楚銜首尾溫陶貫水陸奇功九地應上算一家睦  
朝宗理固然勞心問蟠木

間撫州賊遁

勳級不苟就達人智因時疾藥非所據誅滅終見施撫州我猶哀  
師人多露馘挾纒事幾何一令持多疑癡律用燠咻料敗奚復辭  
當時赴難士三蹶適募支尼彼東郊氓坐磨豺虎飢南軍卷燦來

陶堂志微錄卷一

五

大郡伏蠻屨義聲捷破膽通亾遂無遺貸命須臾間輾轉僵山谿  
流孽甌與閩隣禍又足悲防戍周列國士僞扶牯危免走弗及射  
強弧頓其威已矣蓬廬下感舊徒鬱伊

建昌縣城南樓觀水漲

元冥錯南訛陰雨無昏曉小縣葭葦豐高齋沛爲沼兼旬樓上臥  
䟽糲艸再飽茲晨破甍牖散望天水杳環堞鑑落盆空匱光皓皓  
連山駕冰蟻壞木墮巢鳥厓沙豁崩剝呀谷哀窸窣大聲雲居來  
冷色簷谿杪排塘雷電內蕩激衝廬表闕思門穀洛淡愁浸乘東  
盡漂風中屋甯問原下稻千林殷嗝呼三版付晴昊辛苦貢稅地  
身虜魚鼈擾城人況新歸七靖倏如掃夙願濟神州今日海昏道

短楫阻長波  
默默憂用老

陶堂志微錄卷一

六

陶堂志微錄卷之二 起戊午  
訖庚申

湖口高心夔自編

中江李鴻裔刪定

咸豐八年八月沙河放舟出郡南郭遂還湖口四首

孔墨更代駕後生竟何儔縣弧志四方道癘行復休清商奏晨風  
告別巖之幽野人戀真率瓜魚雜攀投浩子東歸御桑宿逝不畱  
逆旅無嗟井一稔情悠悠多謝畏壘民尸祝徒見羞

歛舟逐青山宛轉越無極沙尾大江白煙潮混南北百里繞梅洲  
嘶馬波上急荒秋互迎成映天長荊棘傷我石鍾郭鞋齧零古邑  
近縣問農時患去搖未息丁男隱門騎算黍與稷先民稼穡教

陶堂志微錄卷二

利賴非菽殖吾生力微勤穰復虞艱食

故垞月臺麓蔥蔥綠懷林藤坳坐盟櫛落英飄我襟八節祝嘉慶  
春秋肆登臨左右列壺觴權好常益簪此樂謂千歲親舍鳴哀禽  
中年走山越雪涕望江潯風樹聲不靜鄉邑日蕭森臧身齒角羣  
而又悲陸沈還歸百艸艸天路杳何深清潭蔽穢莽發君漁父吟  
道德曰慘礪戎兵構庭隅心言苟不存蘭臭成枯魚誰歎懷遠度  
適我南田居田居詎方外競氣疲乃軀名業後時人養智誠晏如  
茅櫛課冬旭蠶經疊農書埭甸當林野新運環六虛吾室天游中  
目論休區區

經蘇官渡故壘

秋艸萸更綠悲哉戰場山前行識我墨獨慙身尙完扉屨去廬井  
驅車來班班寒楚骨未銷沙血亦已乾芒芒埃臺上昇滅望孤煙  
北風吹邪蒿誰氏桑竹園備兵用儒生伐謀固其端當時餉軍急  
頗徵豆與箠憤怨負萬家充此百甬垣無路陳苦辛黃土凋朱顏  
駿馬何方郎狐白金澤鞍明星流顧盼從騎奔雲湍悵意共云善  
無終祇有歎磴磴澗之幽抱邾歌考繁

寄瀟湘潭王一開運

君家湘綺流千里繫我宅溫溫融風至藹藹楚山隔寢遵江路永  
思疊春壘積飛潛理同趣憂樂事偶析要我嶽麓庭訊子雲霞夕  
客子吟九首

陶堂志微錄卷二

二

客子對客懷無語有身還鄉狀羈旅頗供賦役誦泰平卻還消搖  
辟官府縣門填填伐大鼓揚旗市卒號似怒不能菁茅蔭寒谷夜  
常佳眠書拒戶飄颻枯桑溼風雨

古人棄我如墜葉搖蕩秋光不相接石堂藟木瀏青煙短埭疏繁  
映開篋反復千行愁萬疊西笑欲觀轅邱獵羽林子侯車府兒宏  
羅頓揜鬣鳥憎矜色媽紅嫩雙頰

射蛟浦前天暮雪元封綵仗過紛紛輪臺一詔侈心成于今高揖  
英雄君運殊事極江蒲新澗河不塞海擁塵前朝涕唾未霑處此  
日戈戟生秋榛卻令螻蛾東南人

火輪何來駭我目翻倒龍堂歛原陸宛馬徘徊天塹東秦人祇備

榆關北銅斗無聲浪潮濁霜月蘆笳咽相續咸池老鳥宿何處鬼  
車旋戶狸登屋獨抱空弧仰樹哭

長星出地光丈餘睽睽似值三垣居宮中堯舜方宵衣袂象何意  
千衡樞百年不修王會圖大秦空產徑寸珠願祝治如康熙時鬢  
環之君來拂廬詣首承御臣前驅

湘衡猛士何桓桓將有江羅軍如山吳頭楚尾陣雲黑遠見羣真  
朝帝冠皖公青青復殷轟沙爆石奔蟲蟻但聞虎偃嘯天柱李  
侯昨出今不還淚溢潯水何能乾

奮飛不到華蓋傍解渴亟思瓊漿喝赤子盡菜色司命觀此  
應煩傷青蛉引驂龍上驪徑欲因之眺紫皇小臣勞悴無所求甘

陶堂志微錄卷二

三

澗一尺生春陽安得發聲爲汝長

山中親情未宜薄斗酒拚裳勸斟酌焉知被褐天地閒忽漫英風  
起巖壑瑤圃玉多徒抵鵲仙居苦閒戲六簿吾人瓠落理則同不  
爾販繒走京索不爾三山自行藥

義軒豈憂悲歌士百倒雷尊醉欲歛韶箭御化武總干縣聽朝儀  
魯儒恥掇賢令下沛流水噬君心憚縣金市芒蘿有新渭有璜匡  
牀無癘熊不喜佻佻誰家報恩子

示仲弟三首

至人善自閉元闕爲其家遊戲雲海閒冷泠飛霞安知抱蜀士  
鑿空日恆墜沈幾畜羣動殷勤候春莖時息非泯滅百卅喧雷牙

聖道吾竊聞一龍而一它

嘉穀臧精英長人俞金石奈何安喬驅摧前好斯夕否泰潛萬變  
順履貴不易愚夫遺遠造手足便少適崇名究山嶽諄憇老奚惜  
士行競分陰汲汲楹下壁

靡生不有困子賢宜任之倉薇望首陽清風浩吾期斯人去千載  
超然無盈虧天倫相助慎俯爲百王師鹿女逸何許青峯樂我飢  
宿心時微尙窮達且焉疑常憂中淪墮徒增來者悲

北上

離日常苦長聚日常苦短輟觴臨山川悲心旆旌卷昔別時奏平  
公車告程阻慈母處闕泣三朝不能飯念爲河中鯉流急甯可緩

陶堂志微錄卷二

四

阿耶親提攜萬里動高眇裘雪北渡黃杏春獨輪返本爲從游子  
羈孤與眾驛顛衝八九冬此道金革滿浮名誘我行行行歲又晚  
兩弟隨肩筮梓妹未豐鬻齊銜零丁痛挽趨里門饒病婦不我送  
送者面皆咨羣從助起居執友飭行伴戀姻無雄槩倭遲策茲遠  
盤鷹凌浮雲造夕歸一嘯揭揭馳風車懷音勞繾綣

白澗塘再別仲弟

倉山控奔湃江怒飄風大吾行已伶俜何爲日顛戴半旬泊白澗  
陰雨愁蹙臥窺篷矢四遠氣懷衝面射溼鳥墜毳重跳魚浪花破  
天吳舞絕岬邛嶺各歸舍漉漉艸漬泥滑滑仲來過蹇蹇五十里  
申申百感咤揆覩噬爾勞中懷與傾瀉溫辭排冬威靈掌孽二華

扣舷歌小海墅闊流楚些奇賞莫誰親  
聲淚祇交下裘裒斂虛疊揮手胡能那  
天乎鑿苦別良時便相藉化離復須臾  
悲喜崩一訝送子煙霧濱恍若寢覺乍  
前途莽鑿空思心引長夜

舟行石鍾山下

銜涕別天屬孽思發寒川揚帆背懸堞  
東日迎我暄石鍾壓環洲氣結荆吳天  
危林劃青靄荒白沙渚圓輕潮隱金吹  
樓艦列平煙容裔雲沅水績旌裊連湖  
漠息驚波此邦苟爲全得省鄉閭憂  
庶資防禦便妖鮪委殘沫陽鳥啄江田  
翻然奮遠蹠不息望墓肩

經郡西南望廬山

半歲再經郡驅蓬邁窮征伊維蹤跡浮  
去住空復情我昨親匡阜

陶堂志微錄卷一

五

匡澤邈含清焉知託寓高納寡所驚  
雙鍾督遊子故業修蠶耕神皋惻爲別  
霜霽晴已盈何辭霞上棲遽振塵中纓  
江光落寒秀凶幔影縱橫翠沓天壁半  
西展諸峰平日車側升降充谷冰葩生  
元扃葆冬燠自然殊世榮

黃石港暮思

片帆拂鏡潭山雪苦明燿煙浦飛輕縞  
葉疏更碧蚤辭香鑪峰散懷波中石潑  
潑會空景慊慊媚初夕愁人睠水木異  
縣量星驛巖榭欵可凭屏疊悽已隔捐  
瓊月作雙曉鞵寢成隻極望塊無陳  
瓊瑤宛稠積

田家鎮覽曾侍郎戰處

大江中結束危厓抱斬春狀漲相縈錯終日元氣奔下流浸三吳  
迴過嶮峨尊驚心奪險歲功略如有神葭蒲晚蕭蕭汀樹瘳不雲  
烈炬焦半壁重湖豁冥氛鱗鱗大將權奮迅始一身坐持滄柱高  
洒此洪濤渾東征悉精銳伏波老能軍默傷鯤壑翻卻顧龍漢津  
何當厲威棱淨掃海上塵

旅泊漢口望武昌

吳雲渺不極楚藪瑟然開荊門雪行霽渚宮春未來青波浮層櫓  
朱旭冠崇臺廣譙塵外鏞雅歌天上盃中丞矯英盼寓縣歸雄裁  
湘山摠蒨秀鄂水散餘哀援鄰獸落距受降鯨暴顯大名匯眾流  
淵智濟羣菑規此佐景命詎曰盛邊村圖南自有翮衢路阻掀厓

陶堂志微錄卷一

六

撫劍閱逝者芒芒心內摧

渡天門淩湖

入漢三百里佳興殊在茲沿荒無窮曲輕舟緣岬移寒芳綠未絕  
風葉弄明漪翩翩沙鴨過潑刺文鮪馳颯颯林光合鱗鱗波氣吹  
亂流赴虛急長帆掣雲飛鳴鞞聲轉高沈樾影莫窺奔查開出溲  
盤渦嘯無厓交衝魚鼈舞橫斷人犢歸下漂瓜廬盡上迫巢民棲  
險夷誰能易康濟在應期洪梁不時駕靈壘爾何爲

進安陸府南河灘傷挽船者

鴛鴦天門湖驚急非一狀陽侯戲人命復此甃高浪羣水辟故道  
奪隘怒俱放陂山半輓動篙艣仰失傍不資瘳虎力斯痛魚腹瘳

紫纜有萬鈞脫臂豈再抗弱操折顛卽禦變哀用壯飄沙晨無次  
猛風暝取王見危致沈酣出險神采喪瞻立過蜚鴻申懷送悽愴  
峴首山下作

寄生憂患初遼落賢達後彌年問衣食拙疾依林藪華譽喧末塵  
義華先老口吁惟飢愚士岬嶮趨不朽茲來游川盡頗傷棄日久  
朝馬徒荆臺獵火薄峴首盞燭何莽塊楓蘿翳蟠糾當時涕雲天  
埋照徹泉牖功名恃能獎冥樂那多取予情狎片石幽語尋虞守  
海岳舞鸞輪排當到盃酒歔歔襄岸兒甯歌鹿門客  
樊城登陸蚤發

落帆襄水亭辯曉郢門樹清零瀾上散冷月煙中互踐程試鳴雞

陶堂志微錄卷二

七

連軫方叱馭晝夜漢西明霜晨汝南素馬悲浸沙軌身評當林路  
楚霸樊姬來晉雄椒舉去遠略羈正長巖風冒猶屢在川非一歎  
擊轡弁千慮奔隋吾敢辭歧塗曷能駐

歲除次葉縣二首

堅冰霜所爲氣莫寒轉峻燭龍困潛曜坤軸凍不運驅馬荒垌閒  
嶮确愁互進山冥涌來塵谷響交去鞠棄阪知爲修望舍惑已近  
居人辯飛蓋阿那畫南峻郊扉嚮昏至豚黍羅攀訊心迹麴有依  
權詭無與吝

鳴渠無蓄波勞客無安歌聽歌意乖促如爾歌者何雲出不忘山  
濁泥慕清河林壑日去睂歲駒軼我過不悞身寡諧乃愧百蹉跎

所羨泉下蟪，磴磴抱天和。倉隼高彼巢，終更徒矰窮。塗黜神智，得喪亦齊科。要誰明寸心，躑躅懷靡它。

過大梁

貴無屠博游，貧無梁苑士。文詞八公末，誼動漢天子。驕國寡憂臣，忠愛獨漫齒。我來掇遺馨，蟻衣迷沼沚。算聞弦歌曲，但咽黃河水。鸞玉鳴關東，蕭瑟煩心耳。噴噴貧宴張，汗塵坐中起。顧瞻生慷慨，多欲甯窮已。暮雲下荒臺，百版一荆杞。何代園樹枝，連蜷雪時灰。衰端傾盛名，健者滿蒿里。兀傲夷門監，老癡從此始。

淇上有悟

積石岷蔥河東注，無再伏清沛。苦沈戾數突，似玉屋頗聞百泉壯。

陶堂志微錄卷二

八

河沛洞一腹入淇，柔且直。湍平席瑤玉，招招檜楫逝。濡軌汨鳴轂，人馬同川飲。雜笑聲滿射，桑墟漲後高。擊汰沙上綠，神灑弛餘力。光頰散煙縠，鹵爾鸞鳳嘯。極望雲峰簇，三嘯諭知源。訊之衛時竹，經鄴宮地。

峻原瞰壺口，促騎乘魏疆。鉏山偃六駕，寒吹流二漳。長渠界平楚，疏密映倉黃。壘石摧我輪，噬昔城與隍。銅虜絕餘甌，池華豈故芳。文侯缺西略，靜帝徒東攘。孱藩襲詞雅，鄴傳置興亾。土風亟滌洒，天紀開明良。相君歷九州，懷古望八荒。春賦悲南心，秋鏡生北霜。斯辰異襄信，同怨爲津梁。錦衣世言貴，弊躑安可忘。

邯鄲旅夜示客

案塗背冬序弓月弦三揲玉衡指倉龍客軻茸改轍解鞍荒寒縣  
中夕腸百結燿君初筵光盤燭媚華雪龜茲彈豔歌小伎襦繡裂  
爲蘭那知怨在露難名潔開戶東南眺天漢身尾絕何由游歸風  
影響相馨悅憂來如促柱轉急不能截茸茸弦上心悲人飽冰槩  
保定道上猶見趙郡羣山不絕

逾河厭廣陸箕首西嶺岫閉車膠靈壽情滿三晉山陰霞蒼逸峰  
明霧掃陽巒淺淡蔚體態離合移方圓朝華錯彩翠夕秀亭中天  
眇竊僊之人嬰色蒼嫵媚穿嵐路正直尋壑思屢延超絕石上榮  
巖巖窳下門芳鞠餘秋糧洞淡冬可綸絕隣處高志神爽接登攀  
雲井散經絡嶺風紓佩環甯塵仕子駕空墜采眞緣不履太行脊

陶堂志微錄卷二

營魂從化遷

金鼈春望

農土積靈澗彌濩何興歇仰極種棲蓼奏景崇想發羣翼泊暄風  
新芳扇屬樾危椒冠菌閣簪殿莖員月岷注恆岳淡澤蒸瀛隄開  
明瀾益飛時杳靄平觀闕九芝闕齋房五城曠僊躔豈鸞識紆節  
繼諫無銜槩美爲盛祥增運與康娛別及矢卷阿詠順宣南薰律  
同人于昆明湖上作

峰峰含夕妍岸岸吐曙鮮妍化奇繪幃壁皆自然春霏遁遠樹  
白藻生重川環宮豔輕淥圭塋表幽巒滃白雲外溜泓碧望上煙  
光華備智覽顯晦從心遷遺此橫汾迹悠彼戲洛年綠圖詎足瑞

金支神見傳流芬迎偏澤殊感沅同源無因寢秋鴛空疑病鈞天  
理默淵臧宋興伸馳景延貞蹤謝鳳逸翬翅非鴻軒

答別龍明府汝霖

羣才若灌河浩浩不容洩葦土郭百川真氣中蘊結驚波極翻覆  
萬變生蟻穴憂君歲寒規肺附照清切柔伏九象力猛折專車節  
襄野七聖迷歸為濟時桀我冠耀奇服創痛傷自投青蠅亦天使  
白璧念有闕嗣音來朔風因之振罷茶

尙友三首

金火兀相守居然商籥生我猶味澹泊瑣瑣日多營未識憂起端  
但來交我膺玉觴潔無滓方酌愁孤傾何用慰襟抱閱彼覆瓿經

陶堂志微錄卷二

十一

揚雲老好事執戟不知榮符命疚所歸量力操吾員

茵椒糝菜菴媵節或云累宋算江南澤時逢古蓑佩繁霜悴庭艸  
膏土理猶胞作者逝滔滔方萌可勝旣鸞師謝捕麋轅固擊罔鏡  
守墨羞媿阿動策光文治蓬生繕靈性齒頰無遠慧冥思貫皇初  
偉業如夙置

率俗薄耕稼吾田亦萊污慢遊值晚穫負影立愁吁肆彼原上農  
歲功載其劬百室少完堵純氣斯焉廬林鳥韻頰鳴蕩煙舞太虛  
居津智不逮適郊歡有餘斯民寄莘野今令納溝渠

聲諫二首

上宮多伎舞淑聲芳以妍申晨命我酒歡愛未渠捐元夜志不陽

墜日迴虞淵中路生然疑磐石料無遷秋竹紫清曲積雪變蘭弦  
聯藐霧幾里狎坐獨憂煎憂煎重徘徊恩義計兩全上天傳雲翼  
入海同波瀾

蟲螿挺微質恆生志常奇哀唱壑蕘下仰應竹與絲懍秋辭中野  
得近君階堦操響疾徐聞感至無詭隨靈徽希見審瞿瞿心自知  
丈人休安臥此物鳴天機夜鶡前告寒晨鳧前告飢傲戒厲常憲  
遠喻非言私我歌再三答何意聽者疲

送王舉人開運客山東帥府三首

虞愛常在別婉變況同心頻言素交絕題此歧路襟班馬出南畿  
木葉變青岑橋亭一搔首迴薄雲海溪安期浪鱸背徐福盜遺黔

陶堂志微錄卷二

久次氣俱愴孤游思何任荒乎梁父望碣石千里陰曾不引高響  
六螭逝駿駭

誰萼涕上出憑軾酈生郊衰頹大風後我願其蓬蒿國無三千履  
遺策未蕭條邱園有匿秀紉冕虛列曹語君淄非漚翟翬無鳳苞  
奉常珍俗學蓋公見清標崑暉映六合感氣興崇朝

雞鳴樹有霜端然愁萬物披衣視周道寒日東隱鬱時變切心臆  
寤過情不歇劬劬萃京友黯黯離居節達觀愴後緣勞塵徇前迹  
罄折從時備偃蹇銅予拙不見沮洳場珠玉蒙市悅由來貴隨握  
何適無荊荆善處天下寶今對九賓發

贈獨山莫安友芝

黔西雖夷尚繫圖江南地尹珍奮梓柯文獻天艸味斯冰號筆精  
二徐等狡獪孳孕王戴段淡水見支蒂伯仲大經師鄭珍黎動視  
君季三能再齊色嶽蓮不孤麗世家侯龍編開山瑋天置爾來過  
半百未減幼學志膠庠日荊莽斯人誰飲食公車首皓白豈稱徵  
書意金馬堪陸沈頓感問珠桂落葉填門樞幽期有時至

贈元昌二劉生樹堂樹義歌

劉郎兄弟如茗琬卞有琨瓊未良顯解后歡呼百憂失俊氣開眉  
珠照枕雞馬窠幾尋尺授人秀異難強阻小來從宦傾笠載聰  
明解道金柅輦蘭州九月雪塞河卻望親闈萬山遠舉子再遭京  
兆黜韶顏祇怕緇塵滿就我談笑遺世情天真自媚神婉婉惜哉

陶堂志微錄卷二

手無青璫儲坐尊連璧去彫瑗堂也翁受好匈臆潢汗注壑絲續  
爾義也少穉健過兄滿庭目動初生質夙昔消搖諸老群晚茲竊  
歎疲且蹇自從攝齊客甲第聖文兀突堆蠹簡東枝不競作樓谷  
舌撝筆童顏可腆淀園秋落滅車迹堂也相過暑返館煙月縣縣  
棲夜清開幃澆燭餘花短昆明曉荷瑩糕覩臧棠雨含愁眇不  
辭同棄十日游慰我孤吟對鯨鱗曙鼓春門又判年三階歷歷倉  
球轉北酒空消玉關凍南衣河送金臺曠建業兵燹照廬嶽六詔  
鳴鐃險枹卒各怨還家粉櫛長況君積阻昏姻晚二子用心霜霰  
中大被攤牀瞻眠穩世閒風胡無爾親安得仲季移吾吧慕歸懷  
祿兩筮池契闕于今曷能淺丈夫努力黑頭時萬一鉅黃一雙緇

春日游京西山寺四首

遠別山水郡閉居成首疾薰風暖吾春游心宕清日駿友多勝想  
蟠氣亦勇出揭來要路蹊扣彼巖下室鳴湍恣奔邁聲激中有鬱  
雲石性不戕環護太古骨勞營問桑樞何福蒼芝朮渾非金齒子  
率爾遺天伐日落西風寒悲吟起窠末

飛蓋杏花林林花笑行子霞雪光參差出入香腹裏青瀕孕絳氣  
幢幢礪戶起斗上結二儀琳碧潑雲趾半體橫倉白虛洞插樾杪  
詭哉釋行力震驚無生始諸妄天曠盪餘波吸宏侈政居清靜宗  
一宗心識灰住世誰短長古栢語潭水

僧巢閒山淥高下艸木涼佛汗疑雨至栢栢屯陰倉拔地非一椽

陶堂志微錄卷二

三

負志各千霜百丈老平仲磊落捍天閭獨云帝者徵况名難爾詳  
北斗竊上枝珠緯貫四傍惕息欲下拜離去三彷徨夜泉回竹哇  
雜籟省虛堂可與前世習亦足令心傷

戒壇九瘞窠柴六無寸媚一窠攀一葉搖簸百枝翠信美失常度  
同林變貞肥暗奴擊且顛這獄雄此寺十年放石斧結趺謂生慧  
如彼飼鷹女炷腊瑤匄荷無靈有燥險貪獲孰高致浮詭一世俗  
歧道駭孤詣去去毋與談憂樂樹吾志驅馬九陌塵爛漫兩捐棄  
短歌贈別郭編修壽歸湘陰五首

薊中瓦盆嘲楚老九醞無嘗飯疏飽江鄉魚菽秋可羹作計還家  
覺君好丈夫四十百歎衰終日仰屋鑿何爲高士可賤世可棄輕

薄貴游同路埃

工師凋斲孤桐琴流波霰雪風所淫不知主人悅何曲上堂彈作  
翔鶴音音高指急弦欲絕四筵無歡推手別悠悠湘水日夜鳴君  
去寒潭奏清月

下淮上顧黃毒霧問君何州取歸路黠狐媚虎虎擁城刺天青蒿  
大如柱楚國猛將曾與胡摩刀殺賊相軒渠秣陵健兒絕鹵莽昨  
日爲壘今爲魚

我初南康謁帥府落日匡廬值君語下馬捉臂呼壯士傾腸倒腹  
無不許爾時幕寮誰最賢故舊半種衡南田車輪無想不據地坐  
逐飛蓬飛穹天

陶堂志微錄卷二

古

洞庭山多不須買樹牧春意長在我家鬻鬻雙鳥健閒卻桑畦  
便三載君能不官復不貧恰有兄弟酬酒尊可念應龍失雲氣尺

木挿首愁飛翻

端午述懷四首

揆予降它年四七臨茲節爲人習迂陋所遇惟婉脆及晨披薜蘿  
未秋響精列束身遊俠地含涕畏不雪低心任恆理曹笑無憚悅  
風塵多抗顏故友罕歸潔那惜芳時萎方悼處生劣每言三稱斯  
蘭艾請區別

歲月激天去愁憂不能檣夙夜念所生閔閔坐昏眊大悔由慮寡  
事至誤多歧不見南山鳥北林來角鴟何讐橫攻培骨肉相離披

傾巢八九子至夙算同飛自傷返哺性甘蹈虞人機靜士捨七歎  
鳳皇有見儀匪莪與原令永轍弦二詩

結繩散餘樸憂患胎文巧異氣干陰陽群聖徒僚愷大邦浩穰地  
放棄銷百寶棘猴自言工狙詐何醜好我生後無懷違道苦不早  
禮樂敝空筴麟奮命俱天橫水惡堅防三微成皎皎豈謂觴豆事  
未足虧盛造寸膠納渾河追促以衰老

聲絕不動天淚竭不到泉佛哉拘攣士杙此嚶嚶輕羽揚霄路  
秦石雷時穿冬風隕豫柑靡艸奪夏妍先榮孰晚落厚植勝高遷  
精爽彌八極元雲羃神淵嶽嶽古忠孝特生氣由宣令無顯德行  
肩肩空自賢

陶堂志微錄卷二

五

傷懷寄弟六首

彫堂清室予之居玉樹周阿馬旋除石鍾老屋雖蕩盡人生骨肉  
要一廬望仲不見書何益書來忽如在吾側久客索誰蠲痒疴對  
案彷徨不能食

梅家洲前春水邨蘆芽雨後綠過門截津列樛料魚戰竿鏗表樹  
如軍屯盈盤斫鱸務一飽候網漁人奉鱸早尋常縱酒歌散愁此  
悵江城跡如掃

蕭寺讀書面郡城崩懷夜發巖牆傾我時臥瘡移北戶呼鋌起仲  
安藥鐺中衾煩苦憂更悻千言鎮慰無不至患難思君雙涕零屢  
別伶俜豈天意

武山山東沈寔莊阿耶辟寇從尙羊束薪澗底汲澗水倉卒不須  
還假糧三時課第當軒下火照碧梧聲出舍十齡季子今解吟伏  
憶晨昏仰悲咤

自我東征騎陷陣揮手倉卒各干悵信知殺戮干天和卻遺餘生  
脫灰燼澹臺門東喜見君西子湖頭再念群百花洲上事可惜飄  
風亂水花紛紛

素衣不合久泥濁辛苦將家嚮廬嶽展轉還鄉趣上征思君憔悴  
堅山脚雨巖東西皆百尋日夕清氣生雲林綠泉拂石坐更夫知  
爾憶兒無隄心

陶然亭集詩

陶堂志微錄卷二

去

京師南下窪子附埤突起有阜二尋冠亭其顛江氏之構也平曠  
廣澤皆青萼葭亂猗靡渟蔚瀟然而清于時晨露棲艸喃燕出溲  
窠隅周步隱秀動目具在渚澹淡之體天然風水之韻高子則集  
名彥入輩游衍斯亭修辟暑之宴吐望遠之懷觥酌無算鋒議裁  
狎而雲雷交興日氣沈山槐雨霑平樽几陰藤坐以霽月形物屢  
變奔賞畢肖惟四美之既會群哲所休旣雖語默殊致吁何擇焉  
將無佳誦思顯晦難量謹稱此篇庶幾擊轅之啟九成云爾

野鶴畏軒屏礫木悅煙澗崎生負良遇逸處方榮觀登亭副遐曠  
物候參隱見宇滯天四營巖綺光萬變仰招翔風舉卑浴澄川練  
鱗羽鑑虛清蒲蓼錦淩亂飛衢際屯雲宅土周震電陰陽一開闔

和澤融花間參群籟會幕厯倉藹散叢薄澹猶滋淪漪影相泮  
華翳被舊涯微霞炯新甸適笑尋無初神奇悟用半草辭韞邱觴  
兼弭薪土歎

夏夜過潘大理祖蔭澄懷園卻贈二首

園居接韋杜水曲扣山林未厭清  
楚域相觀宵宋心碧雲鍾磬遠

金海菱荷淡不見湘東客岫嶠二妙吟謂郭太史嵩燾

苦熟安危計奇君艸諫初浮生堪中酒大隱不名書策國筮能密

謀身迴又疏龍淵沈紫氣星象豈關渠

園夜有懷城南知己二首

夜清簟已冰秋氣沁我骨慄風鳴階雨蟲響百不發此時靈府未

陶堂志微錄卷一

二五一明潔外澈精玉盤爽濯中汨汨空浮無倚著幾事見翻軋  
寸鍵得好持隱躍不猶失經年坐湖光人鷗靜相悅碧山建水源  
詎畏潢潦奪

結髮嬰世故疑信執多端幸奉名達側與窺斯道藩寒暑錯密塗  
有往趣其還我旬浩元氣冰炭漸不存化工鑄群材聚散亦同門  
并營困四海請勛誼所親如何心之思搖搖阻重闔芳醕空在室  
金石闕高言卽事傷索居山海誰能騫

別京師諸友六首

結交始南楚鄧郭抱古風雲門曷大瑟神歡領其工北遊得尹桃

杏農尹耕雲 李中江李鴻 李商眉生晚交志性同桃源一諫官摧挫青蒲中宛子源

善智人氣幹吾黨雄翩翩武選郎夜光持爲躬淡霧相澡雪玉水  
漸靈峰送我試明光堂堂開九重白日難攀援迫此秋天蓬安得  
掖垣下朝朝對壇案

武選好寮壻

隆昌范泰亭雲吉

濯錦雙瓊鉤直法西曹內義迭階下囚鄉

有賢給事

宜賓趙樹吉元卿

雖瘦骨則螺長冰臥絕谷百獸不敢投逢君

數言笑卉木萋素秋善乎三子剛以變高明柔我行杖孤志天階  
辟翔遊歸來顏生巷誰與名樂憂

東吳讓王都特瀝江海秀斯文翁

常熟翁同龢叔平

潘蔭伯真出莖實靚

雙茂星輶下西嶽霓采驚宇宙但見兩儒中溫然味醅耐星妖葦  
黃道九野駭麟門吾徒素餐倉人禍焉可究韋平升夙德磐石奇

陶堂志微錄卷三

末

勛冑圍雲必兩山天下方在宥撫劍望八遐三歎陳鄙陋

樞運臺不生 在物惡先腐狡彼西來爇信信我中土百越虜大將  
威信兩未舉巧盜其子弟使抗兒與父珠厓謂縣絕析木非外戶  
赫赫細柳軍奄忽變虎鼠竊聞啟堯憂池臺輟鍾鼓何爲金張館  
不廢清夜舞周人傷板蕩六月師再睹臺街無顯誅長纓那得取  
時議絕支離魁綱仗神武桃源昔十疏慘愴天不語

六公幸我好叔末算比真情洽何遠邇墜義庶斯存歎我朽落姿

分子溝壑親國家大憤在此又摧心神湘鄉老督師招討亦已勤  
社稷身與去文武比紛綸感念平生友聯翩出其門功樹獨後時

需子匡濟人要當雲雷交共濯日月新君看駒一秣乃銜國土恩

哀歌載關路僕御未遑息日落山糾紛思君隱悱惻豈無柔乾酒  
非我故人側素心事依違去馬嘶嚮北大風擊河水音聲屬中夕  
百憂良友閒悠悠其有極回首城南亭意氣生羽翼翬會去如電  
攘搶師命急緘情咽洪流皇穹照幽戚

陶堂志微錄卷二

九



22145  
51-1

